

SNOWBOARD/1

Laneve Natalia y Perri Giorgia campiuñesses

N sada ai ai 15 y n dumènia ai 16 de merz à Snowboard Club Gherdèina fat pea pra la garejedes de Copa Talia y l Campiunat provinzial de slalom paralel te Schnals

La garejedes de chisc doi dis fova dut auter che saurides. Cun truèpa nèif frèscia y puecia vijibità à i atlec dl Snowbaord Team Gherdèina desmustra de vester mpo scialdi boni y de pudèi purté a cèsa de bieci resultat.

Tl Campiunat provinzial de slalom tla categoria U11 «cuccioli» pra l'èiles ie Perri Ilaria ruveda cuina. Pra i mutons se à Sebastian Delago davanà scialdi n bon terzo post y Tommaso Demetz ie ruvà cuarto. Giorgia Perri se pudova ncnfureté sun scialdi n bon prim plazamènt y se à nscila davanà l titul provinzial de slalom paralel tla categoria U13 «mutans». Pra i mutons de chësta categoria ie Martin Kostner ruvà segundo y à davanà l titul de vize-campion provinzial de slalom. Tla categoria U15 «alieves» à venciù Natalia Laneve, Scalzotto Vittoria ie ruveda quarta y Johanna Mussner cuina. Pra i èi tla medema categoria ie Jan Kostner ruvà cuarto.



Te Schnals ti àla butà ai atlec y al'atletes dl Snowboard Club Gherdèina.

Kevin Crazzolara ie ruvà segundo y ie nscila diventà vizecampion de slalom paralel tla categoria «jèuni». Roberto Scalzotto ie ruvà terzo tla medema categoria di èi.

La garejedes de Copa Talia

N sada ai 15 de merz ie Ilaria Perri ruveda setima tla categoria U11 «cuccioli» mutans, Sebastian Delago ie ruvà quinto, Tommaso Demetz setim. Tla categoria U13 mutans ie Giorgia Perri ruveda quarta, Martin Kostner nono pra i mutons. Tla categoria U15 «alieves» ie Natalia Laneve ruveda setima, Vittoria Scalzotto 10jima y Johanna Mussner 12ejima. Jan Kostner ie ruvà otaf tla medema categoria, Roberto Scalzotto à venciù tla categoria senior èi.

N dumènia ie Ilaria Perri ruveda seta tla categoria «cuccioli» U11, Sebastian Delago ie ruvà quinto y Tommaso Demetz setim, for tla

medema categoria. Tla categoria U13 «mutans» ie Giorgia Perri ruveda terza, Martin Kostner nono. Tla categoria U15 «alieves» ie Natalia Laneve ruveda terza, Vittoria Scalzotto nona y Johanna Mussner 12ejima, Jan Kostner ie ruvà otaf. Roberto Scalzotto à venciù tla categoria senior di èi.

I atlec se ncnuforta bele scialdi sun la garejeda »Gran Premio Giovanissimi« sun Plan de Gralba te Gherdèina ai 28 de merz, per pona jì tl'Àustria ai 29 y 30 de merz. Fineron via la sajón cun i Campiunac talians ai 5 y 6 de avril via a Cortina.

Mo n'aura nutizia: Tommy Rabanser ie a Davos tla Svizra ruvà terzo tl slalom paralel pra la garejeda ai 15 de merz y prim pra la segunda garejeda de slalom lercch ai 16 de merz, for a Davos. L fova garejedes dla Copa Europa.

Per l Snowboard Team Gherdèina, la alenadèura Sindy Schmalz